

Lac' Ar Jan'ga Reak' Golpo

Mit'din lac' ar jan'gakin ret.epet.ek' kana, okoeak' dar.e d.her menak'a mente.Jan'ga do lac'e metadea,"okoe am doe asenet'mea? In'ge! End.ekhan la.ime, in'ge d.herin' dar.eangea.

Lac' doe menkeda, He~?Menkhan in' don' lac' ka.na.n', jomak' jom katen' hajameda, ar amin' jom ocoyet'mea, onatem tar.am dar.eak' kana, ar ban'khan?"

Jan'ga doe menkeda in' tar.am kate jomak'in' jogar. a.guyeda, onate am ho~m jom n'ameda." Lac'e menkeda,"In' do tar.am reak' dar.en' emam kana. In' do dar.e ba.n' em lekhan cekatem tar.amkea?"

Sikha.una: *Okoe ho~ eskar do bae calao dar.eak'a. Ban'cao la.git' aema hor.ak' gor.o ja.rur.a.*

Got.a Dha.rti Maejiu Ma~ha~ Manotkeda NAGR

At.hwar hilok' (8 March) Chapainawabgonj jila. reak' Amnura Mission re got.a dha.rti maejiu ma~ha~ ko manotkeda National Agency for Green Revolution (NAGR). Jao serma leka nia. dhao ho~ got.a disomre maejiu ma~ha~ dinko manotkeda. Nia. serma maejiu ma~ha~ reak' mul jos katha do tahe~kana, **Tehen'ak' Got.awak' Darakan din rean' hike hok bica.r. Rukhia.k' ma maejiu ar kur.i gidra.wak' A.ida.ri.**

1857 serma reak' noa dinre Markin Juktorastro New York nan'graha reak' kic'ric' ka.rkhanare maejiuko do a.d.i gha.ric' ko ka.mikan, gidra. umer re khat.aok, ma.n'jri emok're begar nonkanak' birudre ten'go daram ar hike hok a.ida.ri, vot. emok' reak' a.ida.ri, ka.mi reak' okte 8 ghont.a nonkanak' da.bi ko babotre kulhi d.aharkoreko n'ir

od oklena. Enhilok' maliki ko onko cetanre a.d.i ba.r.ic'ko beoharlet' reho~ bako thir dar.eat'koa. Ina. tayom 1910 serma Kopenhegen re hoyen maejiu koak' jarwak're somajtantrik maejiu a.yuric' Clara Zetkin noa din do got.a dha.rtire maejiu ma~ha~ mente manot reak'e nend.a keda.1911 serma reak' 8 March pa.hil dhao leka noa maejiu ma~ha~ko manotkeda Austria, Denmark, Jarmany ar Swizerland. Un khonge got.a disomre maejiu ar here'l mit' a.ida.ri ar maejiukoak' lahanti la.git'te noa ma~ha~ manot hijuk' kana. Ban'gladisom ho~ jao sermage got.a dha.rti maejiu ma~ha~ dine manoteda.

Maejiu ma~ha~ manot akhr. are manotan per.a lekate set.ere tahe~kana, NAGR ren Acting Director Mn.Subas Mardi, NAGR ren Tresarer Mn.Hingu Murmu, 1,2,3 ward Jhilim Union Porisod ren Maejiu member Johra Begum, Amnura Lutheren Mission Hospital ren Dr.Arpona Murmu. Ona sa~ote arho~ selet'ko tahe~kana, NAGR ren Program Manager Prodip Hembrom, NAGR Finance Manager Minoti Murmu ar NAGR Office Admin Promila Hasdak. Ar maejiu ma~ha~ akhr.a a.yurre tahe~kana Sumitra Murmu.

Pa.hilre maejiu ma~ha~ gapalmarao akhr.a do **Amra konna amra bhogni, Amra jaya jononi** seren' talateko ehop'keda. Maejiu ma~ha~ akhr. are selet'ko talare manotanko do a.d.i daman daman kathako ror.keda. 1,2,3 ward Jhilim Union Porisod ren Maejiu member Johra Begum do ac'ak' jionre hoe akan aema lekan ghot.nakoe la.i sodorkeda. Jemon do maejiuko ac'ak' kathateko udga.uk'. Uni doe menkeda, maejiukoak' jion do a.d.i hahar.a. Mit't.en maejiuwak' jionre aema dhap se porjai hijuk'a. Jemon pa.hilte kur.i, ina.kate, maejiu, ina.kate, gogo nonkan dhap do jionre hijuk'a. Noako joto dhap mit't.en maejiu ac'ak' jionre khemaoa. Somajre, gharon'jre maejiuko jemon do serma ipil lekabon jolok'. Dha.rti jingire aema lekan muskil hec' par.aok'a. Aema ta.kic'ak'ko hijuk'a. Enreho~ abo maejiu do babon as chut.a.uk'a. Ente aboak' oka a.ida.ri menak'tabon ona hamet. reak'bon kurumut.uia.

Onka leka Amnura Lutheren Mission Hospital ren Dr.Arpona Murmu ho~ ac'ak' khat.o daman kathate la.i sodorkeda, got.a disomre maejiuko joto sec'teko laha akana. Office, adalot, iskul, college, sarkari, besarkari joto lekan ka.mi t.ha~onare maejiuko ka.mi reak' a.tko n'amakada arko ka.mi kana. Onate delabon abo ho~ babon dur.up' thirok'a. Aboak' hok a.ida.ri hamet. kate aboak' jionre gharon'jre

jemon bon lahanti dar.eak'.

NAGR Finance Manager ho~ maejiu ma~ha~ akhr. are sanam maejiuko johar salak'e menkeda, maejiu do mit't.en gharon'jren asol mukhia kanae. Gharon'j reak' jotowak' da.yik maejiu cetanre. Enreho~ adom adom somaj se gharon'jre maejiuko aema lekateko koclon ocok'kana. Arho~ n'elok' kana adom gharon'jre kor.a gidra. d.herko jotonkoa. Ona lek do ban' kana, Kor.a gidra. ar kur.i soman joton lek kana. Nonkate maejiu ar baba hor. talare oka begar menak' ona do ba.i ba.ite cabak'a. Menkhan joto jaegarege maejiu ar baba hor.ak' soman da.yik kana. Ente bana hor.ak' ka.mi ar miljulte mit't.en mon'j gharon'j do benao rakabok'a. Onatebon kurumut.uia jemon soman a.ida.ribon n'am.

Office Admin Promila Hasdak ho~e menkeda, tehen' din do maejiukoak' gorob reak' din kana. Ente maejiuko la.git' 8 March se bochor reak' mit't.en din nend.a akana. Oka do maejiu ma~ha~ din bon metak'kan. Sa.rige sa~otare gharon'jre maejiuak' da.yik do a.d.i uta.ra. Mit't.en gidra. hara buru khon ehop'kate gharon'j reak' jotowak' ka.mi eskarte mit't.en maejiue sambr.ao dar.eak'a. Arho~e udga.uket'koa jemon abo maejiuko gharon'jre, sa~otare, ka.mi t.ha~onare joto jaegarege aboak' hok a.ida.ri bon hamet. dar.eak'. Abo maejiukoak' arho~ lahanti reak' ja.rur. menak'tabona. Onate delabon joto lekan ta.kic'ak'ko dea gid.ikatebon laha idik'a.

Muca.tre Acting Director NAGR gharon'j sec' khon maejiu ma~ha~ n'utumte johar selet' jemon maejiuko joto sec'teko laha idik' noa babotre uskur ar udga.u salak' mit' bar daman kathako khat.ote la.i sodorkeda. Jotokote maejiu ma~ha~ gapalmarao akhr.a do napaete hoe pura.vena.

Iskul Ghont_a

D.in' do.n' d.in'

Ghont_a sad_ekan,

Iskul calak' somoe hoyen

Disa_ba_nuk'tam.

Mose Midia_nteye Da_r_ket'a

Mose do 40 serma umer hoyentae khan mit'din od.on' senkate ac'ren boehako reak' harkhete n'elket'takoa. Mit't.en Misorren hor_ mit't.an' Ibrri hor_ dale kane n'elkedeadea. Mose onte note ben'get' bar_akate, cele ho~ bae n'el n'amlet'kote, uni Misorren hor_e dal goc'kedeadea, ar gitilreye topakedeadea. Pharao raj ona an'jom n'amkate Moseye goje la_gidok'kan tahe~kana; menkhan Mose do ona bujha_uket'te Midia_nteye da_r_ket'a ar ond_e Jethro n'utuman mit't.ec' naeke tuluc'e per_ayena, ar uni t_hen 40 sermae tahe~yena.

Mit'din Horeb buru phed_reye gupikan tahe~kanre mit't.ec' ja_num jha_ua_ jolok' kane n'elket'a, menkhan ban' lok' kana. Moseye sorok' la_gidok'kan tahe~kanre ja_num jha_ua_ khon Probhui metadeadea, Kharpa bojtam, entem ten'go akan t_ha~i do sonot otge. In' do Abrahamren, Isa_hak ar Jakobren Isorge; in'ren porja hor_ko reak' harkhet saset in' n'el akat'a ar onkoak' rak' do in' t_hen set_er akana. Nitok' do Pharao t_hen in' kolmeadea, ar am do in'ren porja Misor khon od_ok a_gukom. Moseye ror_rua_r_adeadea, In'ren boehako do ohoko pa_tia_lin'a,

amem kol akadin'a mente. Khande Probhui metadea, amak' t.hen'ga otre gid.ime. Moseye onkaket' khan, ona do bin' got'ente Mose uni botorteye da.r.ket'a. Probhu reak' hukumte Mose do bin' cand.bolreya sap' kedete t.hen'ga rua.r.ena.

Probhu do hahar.awak' ka.mi la.git' dar.eya emadea; menkhan Mose do a.nd.un'kateya menket'a, In' do thotr.agea.n'. Probhui metadea, Amren boeha Aron in' kolama; am do unim bujha.uea, ar uni do am la.git'e ror.a. Khande Mose Misor disomteya calaoena, ar horre Aron tuluc' dapramkate bana hor. Isra.yel hor.ko t.hen senente Probhu reak' kathakin ja.hirat'koa. Onko do pa.tia.uyente Probhuko sewawadea. (**Exod, 2-4.**)

PHA_GUN_CANDO

Pha.gun cando okte jemon

Seton' reak' a~c temon,

Dare na.~r.ire na~wa~ sakam

Sajao enae mala potam.

Edel ar murut' baha

Phut.a.u ena sanam laha,

Ga.wic' edae na~wa~ okte

Hijuk' kanae ra.n'gin sajte.

Pha.gun cando sa.gun ma~ha~

Mone jiwire seren' ra~ha~,
Dare na~r.i jemon na~wa~e sajok'
N'elte mone ra.ska. kedejok'.

Pha.gun candoe disa. ocobon
Dula.r. ra.ska.re takenabon,
Duk ar da.ndi taken reho~
Taken mabon cero bero.

Sajao mabon manwa mone
Baha malate rane bhane,
Taken reho~ duk ar Mu~hin
Hoyok' abon ha.ria.r. pha.gun.

Disa . Dohoin' Me

Am in' n'amlet' mea in'ren leka
Haere amem calaoena in' eskar
Ba.gikate a.d.i sa.n'gin'te
Judi in' in' tahe~len khac'

Amak' ontor kocare.

Me~t' ipil re amak' umulre

Tobe pa.tia.uk'a.n' ban'em hir.in'en'a in',

Dohokan'am amak' ontor kocare.

Dula.r. tonolte bhitri ontor re

Ja~ha~tina.k' sa.n'gin'tem calaok' tao ho~ in' do

Disa. doho mia.n' am jiwet' bhor,

Dha.rtire calak' horre.

Aema hor. satec' n'apam hoyok'a katha hoyok'a

Okoe kodo hir.in'ok'a okoe kodo ban'.

Tina.k' Muskil Jan'gare Horok' Panahi Niye

Fashion se sajoni kur.i se maejiukoak' apnarak' la.bit' kat.a reak' joton do a.d.ige hewa menak'takoa. N'elkeabon kat.a reak' panahi do a.d.ige ja.rur. jinis kana. Ar nia. kat. are horok' panahi jokhon apnar hor.mo reak' sajko sa~o mit'kate mon'jge horogok'a un oktege ona do hoyena nia. jug rean' fashion. Ar nia. jug rean' nonkan n'elok' lekan panahi ho~ amak' hor.mo la.git' muskil hoe dar.eak'a. Jodi am t.hik map ar usul reak' panahi ban' hoelen khan hor.mo la.git' mit' maran' khoti hoedar.eak'a.

Hi-Hil re tina.k' muskil: Okoeko kur.i se maejiuko sajok'ko kusiak' onko la.git' do maran' mit't.en on'so do hoyok' kana nia. hil send.el. Onko do noa. usul send.el a.d.iko bachao jon'ok'a. Nia. usul panahi

modre menak'a pencil hil, platform hil, semi hil ar ho~ nonkan nanan n'utuman hil panahiko. Ar kur.i hor. ho~ nia.ko sokh kateko kirin'a. Ar ritimoto ona horok' kate tar.amko prakt.isa. Cet' lekakate ac'ak' tar.am hoelenre ona send.el se hil nia. d.aharre ban'e bhinda.r.ok'. Menkhan nia. usul hil horok'te a.d.i maran' muhim hoedar.eak'a. Jaoge Hi-hil horok' lekhan hor.mo reak' bisi jan' hasoa. Ona eskar do ban' menkhan a.d.i jaoge bebohar lekhan bisi jan' reak' haso khon ehop'kate hor.mo a.d.i a.r.is a.ika.uk'a ar jan' reak' khoe do ba.i ba.ite hoyok'a. Ar aema din dea haso khon Arthritis n'utuman rog ho~ hoedar.eak'a nia. usul send.el se hil horok' ia.te. Oka okte tar.am jokhen ho~ har.ak' bhinda.r. reak' sombhobona tahena. 2 inci usul hil jan'gare sabhabik khon 50 percent ba.r.ti cape teara.

Muskil Flat Send.elre ho~: Bha.bitok' kanabo je usulak' panahirege joto somossa, menkhan ban' flat send.el reho~ hor.mo reak'e khotiegea. Hi-hil jemon dea hasoe ehop'a onkage flat send.el teho~ kat.a reak' id.i hasoa. Pa.hil re flat se soman send.el mon'j aramge a.ika.uk' reho~ a.d.i aema din horok' lekhan thor.a thor.a id.i hasoge tayomte la.t.ukate bisi jan' hasore muca.dok'a. Ona ia.te jaoge usul send.el ban' horok'kate okte okte flat send.el ar ho~ okte okte flat se soman send.el horok' horok' usul send.el ho~ horok' ja.rur.a.

Tobe tina.k' usul se cet'lekan send.el (panahi) horok'a: University of Calofornia Bio-medical labrotary reak' mit' gobesona re n'elakana, mit't.en hor. dinre gor.re 60 hajar khon 1 lakh bar tar.am la.git' jan'ga dohoea ar e rakaba. Ja~ha~e Jodi 70 serma ban'caok' khan sabhabik bhabege uni do tina.k' bar kat.atae tar.am la.git'e tul are dohoea ona do bo at.kar dar.eak' kangea. Onate nuna.k' bar kat.a tar.am la.git' mon'j panahi horok' reak' ja.rur. menak'a mente doctor ko meneda. Hor.mo reak' jan' se id.i, d.and.a, gunt.hi t.hik dohoe ar jan'ko reak' khoe ko khon mon'j dohoe la.git' ja.rur.a pamp shoe se naseak' usul send.el. Din hilok' kat.are beohar la.git' send.el se panahi reak' usul 1 1/2 inci khon usul jemon ban' hoyok'. Ar nanha hil bodol mot.a ca.rkona payawak' hil send.el horok' lekhan hor.more jhuki kom tahena.

Harar . Kant . har (Gidra . Enec´)

Pe pon se mo~r.e~ bochor umerren kat.ic´ gidra.ko bula.uko reak´ enec´ kana. Asokaete a.yup´ jokhen gor.om bud.hi hor. do ka.t.ic´ gidra.koye enec´ bar.ako. En`ga apako ka.mireko dhura.u akan tahe~kan jokhen hor. do gidra.ye bula.ukakoa.

Enec´-Eke ekete gidra.ko do akoak´ tiko harar.a len`ga ti reak´ uduk´ ka.t.up´ enec´ ocok´kan gidra. doye uduk´kak´a ar et.ak´ ka.t.up´ doye sikup´kak´a.

Jojom ti reak´ uduk´ ka.t.up´ do len`ga ti reak´ sikup´ akan ka.t.up´reya harar.kak´a seye gotokak´a, ar onkage sarec´ ka.t.up´ko doye sikup´ okokak´a. Bud.hi do eke ekete, nonka ba~khe~r.ate gidra.wak´ uduk´ akan ti ka.t.up´ ac´ak´ jojom ti reak´ uduk´ ka.t.up´teya pheda

Harar . kant.har . man`gar jan`

Pa.rni pat, pa.rni pat

Jham, jham d.hela d.hili d.hela d.hili

Ha~sgut.i didiram didiram

Bira.m do dak´ loye duka.na,

Ka.ri ha.nd.i beker bend.an` chorwan`

Chorwan` ror. tora uni gidra. do ac´ak´ len`ga ti ac´ak´ jojom

hatlak' reye okokak'a. Ado dosar ti ka.t.up'e phet' ocok'a. Unre uni
bud.hi do a.d.i mon'j lagr.e~ golwari baha ar cha.t.ia.r seren' reak'
sal mesal ra.r.ate ka.t.up'e phedtaea nok'oe nonka seren'ate,

Kit kite kita. but.a.re

Tala tala ralsa but.a.re

Ja hedelsin' jo sae burure,

Gindir gidic' gindir rase

Tor.ma rase torma rase

Lemko len'gor len'gor.ase lem do

Jaba merom bheo bha.ri

Bheo Bha.ri khetlaok'

(0l ton'gek'a)

Mit't.en Marak' Pin'ca.r Ar Sun'ka.l Ce~r.e~

Mit'din mit't.en sun'ka.l ce~r.e~ marak' pin'ca.r sa~oe n'apamena.
Unkin banarge jomak'kin sendrakan tahe~kana. Sun'ka.l ce~r.e~ n'elte
marak' pin'ca.r do pha~k'r.a~k'e d.halkeda are menkeda, "ja~ha~e
lahage jomak'lan' n'am, jomak' do lahare in'gen' joma."

Noa katha an'jomte sun'ka.l ce~r.e~ doe hahar.ayena. Adoe kulikedea,
"cedak'?" Marak' pin'ca.r doe ror.rua.r.adea, n'eledam am khon in'
tina.k'in' maran'a? In'ak' pha~k'r.a~k' do tina.k' monj n'elok'
kana. Onate in'ge lahan' joma.

Khange marak' pin'ca.r do enejok'e ehop'ena ar sun'ka.l ce~r.e~ metae kana, am do mit't.en ce~r.e~ kanam. Onate cehra reak' bhage ba.r.ic' do cet'em bujha.ukada!

Marak' pin'ca.r ak' katha an'jomte ce~r.e~ doe menkeda, he~ sa.rige, am lekan pha.~k'r.a.~k' ho~ ba.nuk'tin'a arin' hud.in'gea. In'ak' hor.mo ho~ rawalgetin'a. Onatege kusi sana lekan' ud.a.u bar.aea ar jomak' ho~n' jogar.a.

Sun'ka.l ce~r.e~ ak' katha an'jomte marak' pin'ca.r doe bujha.ukeda cehra babot et.ak'ko nisra.u do ban' bhagea. Marak' pin'ca.r ac'ak' bhule bujha.uket'te sun'ka.l ce~r.e~ t.hen ika.i khojkeda.

Sohrae Seren'

Lutur tegen' an'jomleda

Asam disa.m caole da.ina gelec' akan,

Delan' da.ilan' n'el a.guya.

Ma.n'jhikoak' chat.kare

Rot.e sagar. menak'ana da.i,

Onarelan' dejok'a

Asam disa.m caole da.ilan' n'el a.guya.